

景泰雲南圖經志書

雲南圖

志書卷之六

金一 寧民指揮使司 縣名

永平

建寧沿革

古哀牢夷之地世傳其先有婦名沙壹居哀牢山嘗捕魚水中觸沉木若有感

因懷妊產男名曰九隆後漸相滋長散居山谷不通中國漢建武中其酋賢栗等始內附遂封為

君一長永平元年諸部叛遣張翕討之立濶滄郡後改永昌郡十二年以其地置哀牢博南二縣割

州一部西部都尉所領六縣合為永昌郡蜀建興元年諸葛武侯南征平永昌晉唐以來俱不能制蒙

氏結如邏本哀牢人後徙蒙舍川段氏以此為八府之一宋寶祐二年附于元立千戶隸大理萬戶

後改為永昌州又改陞為府至元二十二年併立大理金齒等處宣撫司兼管軍萬戶府又改宣撫

司為宣慰使司都元帥府治大理永昌施西迤東
金齒諸路今洪武十五年置永昌府立金齒衛以
鎮之二十三年革永昌府改為軍民指揮使司近
年以來惟領千戶所一十二安撫司一曰潞江縣
一曰永平長官司
二曰施甸曰鳳溪

事要

郡名

哀牢

見沿革

瀾滄

同上

永昌

同上

至到

地里

東至蒙化府三百六十里南至灣甸州二百十里
西至騰衝軍民指揮使司瓦甸寨二百三十里北至

大理府雲南州一百二十里東北到蒙化府保備驛三百
二十里東南到順寧府四百八十里西南到騰衝軍民指
揮使司二百八十里西北到五鋪舍其本司所轄者曰在
井鹽課稅舉司五百三十里
滄一院水打板箭蒲縹入灣其永平縣所轄者曰縣前梅
花天井白土坡黃連勝備打牛坪許登橫嶺白木花橋丁
常丁沙木和
凡二十二鋪

風俗

俗效中土
舊漢人有姓氏世傳諸葛武侯引蜀兵平永昌郡膏楊守其地今諸葛營所居者皆此類也
動服食衣冠儀悉效中土制
度惟婦人粧飾與雲南雙人同
漸有士風
金齒久無學士風委靡正統間始建學選備子弟之秀者而立師以教之於是士
風漸振以讀書自勵而舉于鄉試者科不乏人
穿鼻僮

耳

其哀牢人皆以銅為圓穿其鼻又為大國墜其耳

採獵

務

浦發一名樸子蠻其服食好尚與順寧府者相同

採獵為務騎不用鞍跣足馳走如飛男子出外其婦杜絕容禁持白靜坐以待其至有罪無分輕重酋長皆殺之有職聞殺犬分肉為令等亦為彌講和則所牛為誓刻亦為信爭酋位則父子兄弟相攻隣里不救受賄乃救

形勝

艮山環郭

近郭諸山環拱左右兩江設壑

西前存上下落江東北有

之數也

土產

土瑪瑙石

出哀牢山之支嶺

縹緇

即白縹布也堅厚縝密頗類

菱

葉藤

蜜云緬姜葉如葛蔓附于樹可為醬即漢書所謂葛醬是也結實似桑椹皮黑肉白味辛食之能禦瘴癘

山川

大保山

在城內西約高九十餘丈竹木陰森四時不改

九隆山

又名九坡嶺在司台南七里諸葛村

之西約高一百五十餘丈有九嶺土老相傳九隆談世居其下諸葛南征鑿斷山脈以泄其氣有跡存焉山下有龍池水由地中湧出東南入獅山在司治西南十五里臥獅田地萬餘畝俱賴灌溉
獅山之南有曰官市山其麓有芭蕉洞每歲三月不花謂土人秉火觀之其南有曰雷弄曰掌坑曰和場此諸江之山也又曰碧霞曰富羅曰摩
蒼曰秀巖此施甸之山也
哀牢山 一名王泉山在司治東二十里青美村約

高三百丈表延三十餘里其東南有峽口山下有石洞關
二丈高半之金嵩川流俱入此洞行地中達浪滄江其東
北有石澗山林幽以佛山在司治西北二十五里崇溪村
層疊狀若列屏臥佛山高二百餘丈盤迴三里山之東
舊有巖石偃于麓好事者鑿為臥佛像長二丈羅岷山在
餘而為寺于巖下其南有布障山其下出溫泉羅岷山司
治東北八十里浪滄江西岸高一千餘丈表延四十餘里
其頂常有石飛下過者必趨山之東北有曰博南山又名
丁當山極險隘乃容惡之所漢曰其山以名縣浪滄江
又有曰橫嶺花橋羅武弱體皆求平縣之山也浪滄江
瀾滄江在司治東北八十六里羅岷山麓闊二十六丈源
出吐蕃嵯和歌甸蒙氏以此為四續之一漢時開博南行
者愁怨作歌曰漢德廣開不窮渡博南越關津渡瀾滄路
為他人其壯有江曰銀龍曰勝備皆吹于浪滄者也
江訛云怒江去司治南一百里潞江安撫司之北其江深
不可測兩岸陡絕瘴癘甚毒其夏不可行蒙氏封此為

四清之清水河在城此三十里其源有二一也

沙河在城南二十七里其源出九坡嶺管內沙木河在司治東距一百二

出順寧府之西諸葛堰有三俱在城南諸葛管之上下其

止有灌漑之利南又有甸尾官市二堰臥獅窩有

公廨

布政司分司在城內教場坊之東正統九年建置按察司分司在城內教場

三十年建置永司治在宣威坊之北洪武十六年建有

平禦亦有之右中前金齒永昌一十千戶所每所百戶十鎮撫二外有

旌善申明二亭南有宣威左右有策勳教三坊又有鎮

撫司不遠其城周圍一十三里開八門東曰昇陽南曰鎮南

西南曰龍泉曰安定西曰勇鎮西北曰仁壽北曰通華東

北曰拱北其上有樓又有角樓四敵臺三城鋪五十八

其演武之地在拱北門外名曰教場其所屬巡檢司五金

番巡檢司在南四十里甸頭巡檢司在北四十里浪滄江

巡檢司在東北九十里沙木和巡檢司在東北一百二十

里水眼巡檢司在東南五十里又有沙木和堡在東北一

百二里**永平禦**在永平縣治之東北洪武十九年建置內有

十里所屬有二堡曰永平在禦東三里曰黃連在禦東八十六

里其城周圍五百九十六丈二尺開四門東曰春陽南曰

德化西曰鎮西北曰武潞**江安撫司**在潞江寨洪武三十

五年**鳳溪長官司**在鳳溪司東北三十四年建置**施甸長官司**在

東南一百里石甸寨法武十八年建置有永平縣距司治
史曰縣所屬石甸巡檢司在石甸山下
百八十里永平寨城南門外內有典史廳外有旌善申
明二亭養濟院所屬打牛坪巡檢司在縣東一百里

學校

儒學

舊在中正坊西正統九年移置于策馬坊西始弘其

依仁曰游藝其後有講堂有齋廡庖舍又其後有射圃合
而圓以崇垣開以重門○禮部左侍郎翰林院侍講學士
王奐為新學詩并序正統十年春金齒改建儒

學成南詔之地惟金齒最遠去京師萬餘里
國朝設兵衛命將以重兵守之諸夷款服民用寧輯

乃者守臣言宜設學校立師儒教之詩書禮樂
詔從其言建學于城之中以新舉儒士余穀為訓導毅明
有文行士皆尊師之然學之初建地稍卑隘會靖達伯王

公驥尚書徐公帥侍郎侯公建守雲南都督沐公昂德藩
川叛裔駐帥金齒以學宣運于城西高亢寬間之北涇
未就而刑部侍郎楊公寧來參贊戎務與黔國公沐公武
謀必欲亟成於是都指揮胡詒李昇指揮同知趙忠等相
與協謀一心工力財用悉為之備遂改築之至是乃成夫
于廟兩廡戟門明倫堂齋舍厠庫皆以新易舊規制有加
士子喜而相語曰

聖天子嘉惠遠夷尊崇孔子之道建學以師教我二二木
學舍以居我敢不知所自勉力進脩且以言頌德紀功
示後來較致書以詩為請詩曰

述以金齒西南之裔高城言言宇以
兵衛其人維夷寧不循教乃作學宮

天子有詔維此學宮地隘而卑將臣文臣曰驥曰昂
與昂
於於遷之曰城縣公暨少司欲亟成之謂不可後備將

日誌登岸與忠賢應勸協贊厥功厥功暨成學宮渠渠
上子華止誦詩讀書乃相告言學以進德新我學舍我游
我息嗟嗟士子我惟爾嘉榆揚
願休我詩爾歌以紀成績以頌

聖德尚告後人
其思無斁

井泉

天井

在哀牢山之絕頂土人于春首牲
視井水之盈涸以占歲之豐凶

法明寺井

在本寺內

清冽汲之
烹茶甚香

玉泉

在哀牢山下有一石如泉狀左右流出
二泉一溫一涼人以為異號曰玉泉

泉

有二處一在城北郎義村祈為三派一在城
叢村地中湧出其流雖大小而皆有灌溉之利

樓閣

安邊定遠樓

改在本司前洪武十七年指揮俞事李觀所後

年羣竇蠢同日煽亂所在逐官守圖城郭亦昌受

天子以為教化未加罪不在蠻一置之不問且即其酋帥而任

之重監永昌之慘于蕩覆也以元右丞李公忠謹可屬命

金雲南指揮事

朝廷德意招徠反側一年始定乃城其故址建樓東南之衝

名曰安邊定遠遵古制也夫邊遠非一樓可安定也而安

定之功樓于城或有助焉且邑之有城城之有樓古先聖

王所以限封守固民心也然非以為恃也况永昌壤地與

八百緬車里犬牙相制諸蕃人而觀之閱伺我勢非威不

畏是非可植表限仁義化也則城守樓櫓之備尤不可緩

昔張仁愿築三受降城于河外虜至必敗于其下是必有

道矣不然城費城損民求何以並列于經我蓋言城之不

可無而備之不可弛也。樓安得已乎？雖然封疆不足以界域，河山不是以險固。雖百接何補？又必有追矣。曰：在得人。前永昌文學掾夏伯通、嘉李公能，恢前業，率其徒歌以美之。命臨安寄客王景常序之。詩曰：

巨靈鑿開混沌殼，洪濛分六鼈。膊翁乾嶽坤，負老嶽。茫茫星野繞一粟，絳以東流西地角。化生天生天所鞠，聖神

無為尚玄朴。一視同仁乃於穆，力強衆郡始相搏。不周山摧地維縮，共工殄天不。劉女嫫媿石真，一諾三五繩。繩

聖智鑿神父，啓宇建城郭。斯民永康成，戡殺守國設。險臣所告夏王敷，土聲教渥五服相。維俞聯絡有商繼，世肇造

毫姬旦營周始，城洛城東城朔。壯前躡南仲，召虎考汗竹。漢開哀牢開沐，若况有博望相馳逐。孟獲士擒雍閭，修千

載天威此激。福宋開可渡限，南服不有聖君何以勗我。

皇恩
澤一正朔永昌舊是南詔習析壤已入天采服將軍受

詔作

南牧安集諸番耕穡時和歲豐歸樂有居士如雲令行

速化乞新城樹我帷實刀在帳弓在腹南樓聲飛與山蟲

皇恩

速被閃以博定遠安邊此其操聲沈刀斗無亡鏃田野每

每生意沃土毛被野為蒼綠而風時若膏霖霖怕音雕題

履祗肅舉頭一睹瞻已落相顧嗟嗟更錯愕詎知將軍威

威畧制治刺繁若龜卜不戰屈人功歆權何用長驅迫衛

霍有時醺酒挂用探鼓舞諸貴綴行樂吳猷此校韓胡樂

高懸寶珠代明燭酒酣漸離擊鳴筑拍欄應節岸中幅要

將忠義勵士族丈夫功成願方是東瞻五雲觀騎樓在司

杏撲撲閑于影轉施頭肅知是扶桑散清旭觀騎樓在南

七里諸葛營永樂二十年創建每歲

三月一十七日于此走馬觀者滿樓

寺觀

法明寺

在城內大保山麓蒙氏時所建今為僧綱司內有樓雲庵。定遠伯詩春來幾度坐樓雲拓于青浦

活火焚一運絲陰間新半蕭紅雨亂紛紛紺園日照青蓮宇樣凡風湖貝葉文老柏煮茶供軟語高標不雙轉斜

睡觀音寺

在法明之東其地寬廣遇行節禮則先龍泉寺于此習儀內有藏經閣貯大藏經其上

在城西南門外後有圓通閣其前有池泉從池底湧出因以龍泉名寺寺之遠近有曰臥佛曰圓通曰百龍曰天王

曰光尊曰法寶山諸寺皆次于龍泉者也又有以堂名者曰龍王曰恆樂曰遍照曰舍利曰釋迦曰五方其在沙木

和者曰藥師琉璃光佛寺在永平縣者曰真武觀在城內靈通普濟蘭若等寺皆洪武年間所建也

之南麓宣德五年建

古蹟

萬前樹

在浪滄江南三十里段氏時蒲盜出沒于此故過者射其樹以厭勝之迄今猶然其樹高僅五丈而

鐫如霽紅橋在浪滄江上今廢矣遺址見存

祠廟

文廟

在儒學之東中為大成殿前為東西兩廡尙聖賢像于其間外為大成門又其外為靈星門門內有碑亭

立少傅兼太子太師吏部尚書文昌祠在儒學前之左主直所撰廟學記其文附別卷

城隍廟在城中有祀典其同祀誌建有參贊軍務僉都御史鄭顯碑記其文附別卷

在東郊社稷壇在西郊又有郡厲壇在社稷壇之東北奉祀之夕城隍于風雲雷雨山川則祀之于厲則主之所屬

永年縣亦有城隍旗纛廟在本司後諸葛武侯廟在城南祠宇及社稷等壇

葛營蜀漢建興三年諸葛孔明率兵擒孟獲西入永昌忠
 營于此後人懷其威德立祠祀之至今水旱疾疫必禱焉
 ○元翰林直學士揭傒斯詩炎靈厭東都川龍起南陽漢
 業入三顧蜀日宣重光豈伊山川險况在兵刃強八陣通
 神明二表貫穹蒼天運有隆替吾君自漢唐煌煌十萬師
 聲威搖八荒大星殞渭南萬古一悲傷但使漢賊分安有
 終不亡桓桓蕭將軍雙旌出永昌下馬城南祠為我酹一
 觴。勲衛陳儀詩川龍當代共推崇化外予今播令聞細
 柳已殘營尚在甘棠勿翦澤猶存兩朝未遂三分志千
 古難銷五丈冤獨真祠衆思往事水光山色又黃昏忠
 毅祠在城內西山下舊有力政正統三年征麓川勇不願
身殞于鋒鏑贈成遠伯謚忠毅金齒之人立祠祀之

橋梁

衆安橋

在諸葛營之西其東有神
濟橋皆跨于沙河之上

北津橋

舊名板橋在城
北二十里板橋

村長五丈六尺間三丈為屋其上往來者皆憩于鳳鳴橋
此果去十里又有曰東津橋皆跨于清水河之上
在城北一百二十里沙水河之上
太平橋在永平縣東一里江東村又其
跨銀龍江之上

館驛

金齒驛

在城北門外二里許洪武二十三年建置驛南半里有坊曰迎恩左參將都督胡誌所造亦壯觀也

沙木和驛

在城東北一百二十里洪武二十七年建置

永平驛

在永平縣東五里洪武十六年

建打牛坪驛

在永平縣東北一百二十里洪武二十一年建置

蒲標驛

在城南六里正統

十二年

建置潞江驛

在潞江安撫司北一十五里正統十一年建置

名宦

鄭純漢永昌太守為政清繁化行夷地與哀牢夷安之

觀河西壽州人任元雲南行省右丞洪武十四年天兵下雲南舉滅歸附從大軍征進大理金齒等處所向有功

陸指推余事調守金齒兼署永昌府事招撫邊夷土酋段惠作耗率兵擒獲之節奉

太祖高皇帝獎諭觀因守忠誠名播瑤中諸夷懷德若欲行誦

誦令制勝恃功放肆之徒必儲保嚴武至今人頌其美言

淵字子淵鳳陽定遠縣人以剛果為金齒指揮使築城調

四川都胡琛字廷真淵之子也好學有雅度繼掌司

詞其後

人物

呂凱

字季平永昌人蜀漢時署本郡太守時雍閭叛凱守

永昌有勇

李昇

先任本司土官指揮餘事後梁功進至郡

忠直耶 邊民倚月瘴瘴而卒上下皆惜之蓋土官以武功靖遠而

累官至都指揮同知僅昇一人而已故書之以勸其同類

勸黃名善妻張氏 名樂師蓮年十六而適黃氏生子定方

節服勤苦以撫育遺孤大德丁酉師蓮七十有奇無恙

定亦年五十有五赴京訴其母之貞操情甚激烈其門

題詠

曰張氏婦閭無結賢德夫人仍按定以本司鎮撫終其任而卒

三月開

浙人毛鉉在洞遊春詩幽幽小洞天沉沉若

色此桃李好人爭秉燭觀過此即枯槁既非人技為無乃

天所造况無錫鑿底此理不可曉或云有神仙幻出物外

實汙水增波又漁村釣月詩皎皎山吐月汙水增波

涼魚反多零露洒青蕩輕風吹綠蓑歸來夜兩山高挿雲

將半飲酒且復歌即此以為樂生年能幾何又兩山高挿雲

又兩江曉渡詩兩山高挿雲歸然若天岸草樹綠相繆仲

視天一線中有長江江流急于箭亂石翻其噴激成

飛霰客子行問津雞鳴夜將旦僕夫相顧百穀如黃雲又

村觀稼詩欲登哀牢山先過金鷄村時當九月秋百穀如

黃雲時時原隰間溝澮不可分路逢一農夫植杖向我言

力田幸有成亦足餉吾軍邀我坐樹陰酌以老瓦

盆擊壤且為樂辛苦何足論兩暘同時若安知非

恩

騰衝軍民指揮使司

建置沿革

古越甸之地一名沙摩和甸又名騰越
訛為雕窩蒙氏為軟化府又為騰衝府

段氏改騰越府元初立千戶隸大理萬戶後改為
騰衝州又後改為騰衝府今洪武三十三年立騰

衝守禦千戶所隸金滿軍民指揮使司正統十四
年陞為騰衝軍民指揮使司直隸布政司領六十

戶所仍以騰衝千戶所治順江戍甸龍
川江緬甸火勒五百夫長而屬于司馬

事要

郡名

騰越見沿革

至到

地里

東至臨江安撫司一百四十里南至南甸宣撫司七
十里西至里麻長官司四百九十里北至大理府雲

龍州三百五十里東北到金齒軍民指揮使司二百七十
五里東南到南甸宣撫司大蒲窩寨一百里西南到干崖

宣撫司一百八十里西北到茶山長官司五百里
鋪舍其在城曰總鋪在城北曰

坡曰龍川江曰竹德
橋曰分水嶺凡七鋪

風俗

蠻性懦弱

境內夷屬蠻夷專事博蠻也似蒲而別種居山野
間形狀頗類漢人性懦弱男子頂髻戴竹兜笠

以毛熊皮綴之上以猪牙知尾為頂飾衣無領袖善蓄
細種又善商賈婦人以五絲帛裹其髻為飾有蓬不令人
知三日乃浴其子于江治生如常種秫為酒歌舞而飲以
糟粕為餼蠟之以待之北之諸夷之強悍則以此類為易制
也構木巢居而性剛柔儒俱官府樂居山中刀耕火種多
早穀男子間有剪髮者俱戴箒簪

形勝

控扼要害

孟養緬甸等處諸夷皆接壤誠要
害之地今築城置司以控扼之

土產

野猪

其形類家猪不畏虎豹
境內山谷間多有之

濮竹

其節甚長出
高黎共山

山川

高黎共山

本名崑崙岡夷語訛為高良公去城東北一百二十里蒙氏異牟尋封為西嶽即此山也通官

道上下各五十里騎行自晨至午方至其頂徒步者止宿

手其近城諸山

東曰球琤西曰賀峯南曰來鳳北曰龍

捷皆名干峨山有二而同其名去城皆不甚遠土人以此

山也犬池內不容一物間有水葉則飛鳥鳴去在下者山腹有

泉其流瀦于山下為海子多灌田畝又有土山在其東南

有異蹟詳見占蹟下

大盈江

在城西門外其源有三合為一流故曰大盈土人咸以車取水灌田又名大車

江龍川江

一名麓川江去城東七十五里經于龍川江驛前

公廨

布政司分司

在城內之北

按察司分司

在城內之南

司治

在城中

內有經歷司衛鎮撫正統十四年建置領左右中前後騰衝六千戶所每所領所鎮撫一百戶所十其所屬僧綱司

在城內西北隅鎮夷關巡檢司去司治南二十五里龍川江巡檢司去司治東七十五里其城周圍七里開四門東

曰露化南曰靖遠西曰永安北曰薄潤上各有樓其西門外有教場

井泉

分水泉

在高黎共山之頂水極清冽土人傳說昔有神僧見行者至此無水解渴以錫杖卓之而泉湧焉至

今往來者咸掬飲之

溫泉

有四處一在城北馮邑村一在城東南大洞村一在城南羅左衛村一在城西緬甸

村皆水沸如湯人多浴之

樓閣

鐘樓

在城之東上懸大鐘以警朝夕

寺觀

西盟寺

在城之中凡遇慶賀于此習儀其城外有寺曰龍門曰金輪曰護珠曰華嚴曰寶蓮曰天應曰水尾

有八寺

佑聖觀

在城內之北隅

古蹟

濟旱石

在金輪寺內圓一尺五寸土人相傳云昔高僧

中則雷雨即至若移浸他池則無驗也

鎮兵石

在城之中世傳諸葛武侯置于此以懷兵戈者也

塔坡

脩在上干城山之北世傳昔有異人脩道于此其處至今無蚊蚋霜雪

祠廟

城隍廟

在城之東有風雲雷雨山川壇在北郊社稷壇在西郊厲壇在北郊

旗纛廟

在司之後霜降

祭致

橋梁

大盈橋

在城西門外跨大盈江上藤橋有三處在龍川在天向在曲石

湍急難以木石為之自古編藤為橋繫于岸樹以通人馬一年一換

館驛

騰衝驛

在雷化門外

龍川江驛

在城東七十五里龍川江之東

人物

正統三年騰衝土軍楊保之女適谷添生如生一子名金山
松老姓染瘴至家而死楊氏慟哭曰當死以從乃自縊于
夫屍之旁聞者驚嘆備棺合葬之所司上其事旌為貞節

外夷衙門

木邦軍民宣慰使司

其地舊名孟都又名孟邦元立木邦路軍民總
府今洪武十七年歸附後開設木邦軍民宣
慰使司距雲南布政司西南三十里程東至八
百大甸南至來克刺慶西至緬甸北至芒市其

夷類數種以金累兩齒曰金齒其齒者曰
黑齒蠻紋其面者曰綉面蠻其足者曰花脚
蠻男子皆赤白衣服身軀髮摘髮髻偏屈曉婦
人則上衣白水下圓桶裙耳帶大金圈手貫象
牙鐲男貴女賤雖小民視其妻如奴僕耕織貿
易差徭之類皆係之其土產響錫胡椒為多也

緬甸軍民宣慰使司

其地通曰緬舊有江頭太公馬來安正國蒲甘
緬王五城元立邦牙等處宣慰使司今洪武二
十九年始歸附立緬甸軍民宣慰使司距雲南
布政司西南三十八程東至木邦南至南海西
至亞里北至隴川所居皆緬人形體黑性柔
而許其首踰曰卜刺浪男子善浮水夏熱穿洗
白窄衫單衣冬寒穿白氈羅綿衣仍用步羅布
二幅合之纏于上以爲飾其富者出入着大袖

白布衫男子縛髮于頂前用青白二色布纏之
婦人緋髻于後不施脂粉男女皆和白檀齋香
當歸養黃末塗于身及頭面以為奇其香皆出
入乘平輜載騎象從者隨之坐則在前從者圍
後皆席地專事佛教僧立阿尾利城邦必直樓
等寺莊嚴甚懋有大事則抱佛說誓贊之僧然
後決地勢廣衍有金沙大江闊五里餘水勢甚
盛細人多乘片竹以為險產樹類棕高五六丈
結實大如掌土人以繩約罐中而以索懸其罐
于實下割其實取汁流于罐以為酒名曰樹漿
酒或不用繩惟取其汁焚為白糖其葉即貝葉
寫經書用之又有樹其形亦類棕結實名椰子
其汁如酒甚甘而鼓可為瓢又有石油
自石縫流出臭惡而色黑可醫毒瘡

孟養軍民宣慰使司

其地元始有之
十七年附後問
南布政司三十七
至古剽北至千崖
陳即據兵相殺其
竹樓以居一日數
窟極險惡據為礮
寨而產有琥珀焉

車里軍民宣慰使司

蠻名徹里自古不通中國元世祖既平雲南
將兀良哈諸率兵伐交趾經其西部悉降之
元甲戌立徹里路軍民總管府歲賦其金銀
服隨叛後遣都元帥速律杰往諭之得入其
諸以大義其酋來寨處寨得道伏謁願備
諸置賦東路取當五弄二州今洪武十七年

附立車里軍民府十九年改為軍民宣慰使司
其地距雲南布政司東南一十八程東至落恐
慶南至波勒蠻西至八百大甸北至元江府其
民皆百夷性順淳額上刺一旗為號作樂以手
拍羊皮長鼓而間以銅鑊銅鼓拍板其鄉村飲
宴則擊大鼓吹蘆笙舞牌為樂境內有猛永山
沙木江產鎗石
銅木香沉香

八百大甸軍民宣慰使司

世傳其土酋有妻八百人領八百寨因名八百
媳婦自古不通中國元初征之道路不通而還
後遣使招之始附元統元年置八百等處宣慰
使司都元帥府今洪武二十四年黔寧王亦遣
人招之其酋來貢乃立八百大甸軍民宣慰使
司其地距雲南布政司南三十八程東至老

南至波勒蠻西至水邦北至孟良其民皆百
姓頗饒利花採于眉目間其男女服食皆與
邦同但與客相見則把手為禮亦事佛如緬
然所產有象土酋畜之騎坐凡藏闔用為前
有白檀安息二香其曰南格刺山在車里八
百之界山上有河其南屬八百其北屬車里

老撾軍民宣慰使司

俗呼曰撾家自古不通中國元亦未能制今永
樂三年歸附備方物朝貢始開設老撾軍民宣
慰使司其地距雲南布政司六十八程東至水
尾南至交趾西至寧遠北至車里其民皆百夷
衣服飲食類木邦性獷悍身及眉目皆刺花其
酋長有三等大曰招木美次曰招木牛又次曰
招化而為宣慰者即招木美也居高樓其上寬
廣見人不下樓都屬見之則所至之地各為等

限使客亦燕而該通事引之以至其地不盡尺寸其土產有犀有乳香

孟定府

舊名景府元時立軍民總管府屬大理金齒等處宣慰使司轄元帥府今洪武十七年歸附後改孟定府其地距雲南布政司二十八程東至威遠南至永祿西至隴川北至鎮康其民皆百夷男子光頭赤脚黑齒着白布衣戴細竹絲帽以金正等寶飾其頂通神翠花翎毛之類後垂紅纓婦人出外戴漆藤大笠狀類圓牌而頂尖身衣文縐而飾以珂貝所產有香國比之南安州者為元大

孟良府

發名孟指自古不通中國元時未能制今永樂
四年始奉歸附開設孟良府其地距雲南布政
司南三十八程東至車里南至八百大甸西
至木邦北至孟連其夷俗與木邦八百同

干崖宣撫司

舊名乾崖甸元置鎮西路軍民總管府今洪武
三十三年歸附三十四年開設干崖長官司正
統七年征建麓川有功陞為宣撫司其地距雲
南布政司西南二十三程東至南甸南至龍川
西至孟哈驛北至南甸作水甸境內甚熱四時
皆蠶以其絲染五色織土錦充貢其土產有白
蓮花猪頭竹又有竹胞大如鬼至肥可食有
晃永晃判朋諸山最險有雲晃止西有風諸河
甚闊又有瀑布泉在雲晃山高五十
餘丈其餘驛有甸頭古刺當矣三邊

南甸宣撫司

舊名南宋元為南甸路軍民總管府今洪武三十一年歸附屬騰衝千戶所永樂十二年開設南甸州正統八年以征麓川功陞為宣撫司其地距雲南布政司西南二十二程東至騰衝小龍川寨南至干崖西至木邦孟木寨北至騰衝其民皆百夷俗與木邦同其結親則用殺茶二長筒雞卵五七籠為聘禮客至則以穀黍供手拈而食之所產有叫雞晝夜依時而鳴又產紅藤篾夷婦用為腰餅山有南牙沙木籠二處俱有石梯夷人以此據險水有南甸南宋二河四時不竭有巡檢司四曰木縛曰莽哈曰孟天曰騰隴鄉館驛三曰南甸曰羅卜思庄曰孟哈

隴川宣撫司

舊傳麓川自古不通中國元立迤東十路而麓川其地也今洪武十七年歸附立為宣慰使司正統三年其土酋思任發叛調大軍往平其地軍其司正統十一年設隴川宣撫司于隴把其地距雲南布政司西南二十六程東至三市南查木邦西至干崖北至南向其民皆百夷俗與南甸同其土產大芋長一尺二三寸有馬鞍摩耕羅木三山極高大夷人恃以為險有象從石罅流出為河熱如沸湯有館驛名曼賴

鎮康州

舊名隸服自古未通中國元立鎮康路軍民總管府今洪武十七年歸附後改為州其地距雲南布政司西南二十六程東至孟連西至孟定西至潞江北至大候其民皆百夷習於刀耕火種與

木邦同

灣甸州

蠻名細賤元時屬鎮康路今洪武十七年歸附後開設灣甸州其地距雲南布政司西南二十程東至大候南至鎮康西至施甸北至順寧其民皆百夷婦人貴者以象牙作筒長三寸許貫于簪挿金鳳峨其項絡以金索手帶牙鐲以紅連束臂纏頭衣白布窄袖短衫黑布褲不穿耳不施脂粉餘俗與鎮康同其孟通山所產細茶名灣甸茶殿兩前採者為佳

大候州

蠻名孟祐元時屬麓川路今洪武十七年歸附三十四年開設大候長官司後改為州其地距

雲南布政司西南千十三程東至鎮沅南至鎮
康西至潯甸北至順寧其民皆百夷俗與潯甸
同有蒲蠻俗與順寧同所產有垂絲竹其枝葉
軟弱下垂又有金剛藤其色青狀如刺桐性最
毒有山曰昔彌蠻賴阿輪八刺皆萃
密峭絕有河曰孟祐孟賴四時不涸

威遠州

蠻名孟磨又名惠蒙隴元初立隴管民頭
目後改為威遠州今洪武十八年歸附三十六
年仍立焉州其地距雲南布政司西南一十九
程東至他郎南至孟建西至孟定北至景東其
俗與大候同其莫蒙寨有河水汲而澆于炭火
上煉之則成細鹽凡交易無秤斗止以小蔑羅
計多寡而量之有蒙樂
山南堆江在其境內

芒市長官司

舊名怒謀甸元亨寧民總管府今洪武十七年
歸附屬龍川正統元年來降開設芒市長官司
其地距雲南布政司西南二十三程東至鎮康
南至龍川罕賢寨西至瀾川北至潞江其夷俗
與隴川同所產甘蔗極大有永貢幹二山
甚高大夷酋立寨居之以為險要山下有芒市
馬河

鈕元長官司

蠻名也元自古不通中國今宣德十年始歸附
開設鈕元長官司其地距雲南布政司南一十
六程東至元江南至車里西至威遠北至思陀
其民皆倭泥類痛蠻男子縮髻于頂白布纏頭

婦人盤頭戴頂以花布為套
頭衣黑布裙裙鬼人無拜禮

雲南圖經志書卷之六

雲南圖經志書卷之七

元詩

五言古體

題中慶學廟壁

文矩

字子方翰林脩撰

世皇昔仗鉞汎掃開八垓茲方邇彭蠡同氣皆吾人祥曦洞幽闕化
雨清炎氛哀爾窮髮黔煦以天地春雕丹襲冠帶鳥語同書文邇來
六十載含哺知尊親人心異禽犢適性非難馴吾聞古王政不以上
後民李世乃夸敘畦町逾紛紛七縱昧桑遠降女傷王尊吾元有至
德萬古欽皇仁

素王萬世師國經有常祀滇南古荒服薦裸豈異禮王宮正南面溫
鴈思敬止豆籩具威儀登獻何纒纒升歌永齊商琴瑟散宮徵共言
唐法曲歲久復愆慙陋邦何足徵居夷聖所擬於皇人文化道大孰
與比六經如日月洞照無遠邇叙秩敦彝倫百王同一軌邈哉天何
言悠悠政如此

鄧賧

陳旅

字象仲國
子監丞

滇池西南陬沃土稱絕原鳳山翼廣野穹水吐厚坤武侯昔經營遺
勝諒斯存川原集惠采草樹散奇芬聖世仁風暢遐徼絕妖氛元戎
謹蕃宣詩禮況所敦

西菴書

張翥字仲舉國子助教

西道出邛焚百里彌菁林俛行不見日刺木鬱蕭森伏莽有夷獠巢
枝無越禽根盤二嶺險氣接兩蕃深銀山雪夏白金沙嵐晝露主恩
畀良帥時平靖蠻心風威所播洒瘴地空毒淫願言闢南徼蔽以崇
棠陰

七星關

馮福可字景仲國子助教

點蒼何蒼蒼環以西洱河百年雨露恩詎敢煩天戈懷門振為振
帶踰牂柯巨險久已夷故關尚坡陀云胡七星名亦復無不磨君侯
詩書帥文武用不頗藩垣復重臨民夷賴漸摩中天揭斗柄三辰行

太羅曰之成關傳永世同南記

未幾詔

王沂

字思魯宣文閣博士

瀘南地多瘴未幾風氣美膏豪富畜牧散野若蓬蟻聖世重柔遠政
爾煩尺蕪敗群既已去飲斂自相靡土俗類楚優衣被紛錯綺俳諧
百態出供我一嘆喜亦有善刀舞衆鋒繁鯨齒生今帳下兒往往髮
上指將軍一回顧風獵旌旗尾四座且勿誼酒酣可以起

碧雞山

鄭衍

字序章禮部主事

中慶西南來有山勢雄奕屏開障大荒壁立數千尺晴巒疊奇峰幽
壑藏怪石清風響松濤老樹森矛戟俯瞰滇池水仰瞻雲霄碧山靈

得異境廟貌存古迹君侯本世家奉詔平叛逆茲承寵光行山迎馬
首憚鎮遏良有謀烟瘴似衆釋從此邊陲寧殊勲垂竹帛

入雷益亂後悔懷

公孫輔字異之中興路總管

驅馬雷益川南望滇海頭向來繁華地變滅如浮漚迴不見人烟但
見河水流青山宛然在風景何蕭颯郡縣生荆棘汗菜騎日曠夜馳
帝豹號畫顧鹿遊群鳥集戟壘野燐飛林丘灼灼道傍花只為行
者愁緬思寇亂際藩垣失防秋空虛啓外侮口語興戈矛盛衰雖大
運禍端亦人謀生靈爾何辜吾欲天公尤

鳥撒

高臨烏撒海顧瞻亂山蒼地雖西南夷風氣似朔方三冬寒雪舞六
月陰山涼蒲腴沙葱綠草連地林香牛馬散川谷毛毼襍洮羊板屋
禦北風酥酪充酒漿土宜蕎麥稗畊鑿周崇固然人多禿髮面目類
氐羌氍毹不掩脛鹿聚同腥獐飲食共一牢出入負弩槍往年賊
誘蠡與潰皇綱謀復舊礪觸鋒刃推忠良司存變灰燼孔廟但蕭牆
挾仇雠同類爾種自滅亡元惡已授首孤軍尚跳踉螳臂當車轍
粉在朝霜朝廷戒窮兵大德體包荒計全百萬命度外置狡狂九天
雷而解草木回輝光世皇開土宇六合以為疆寸土勿已有一民非
汝藏職貢甚脩謹永念蹈彝常坎井自可樂百世誰汝傷

赤水河

兩陟摩尼坡尋下石關嶺俯瞰赤水河如入萬仞井人馬及涯溪徑
渡奔流猛水日兩相戛鬱作湯火滾瘡焰所衝突尤劇沙射影人如
中藥魚上岸久方醒又如登青天十步無一穩我馬力如虎騰捷凌
絕頂回首自愕貽舌吐不得引國恩叨海嶽敢辭身告病行矣勿躊
躇萬事一笑領

過七星關翠屏山

何弘佐

儒學提舉

俗山如俗人過眼不相揖據鞍無好詩羈愁拍胸臆行行見翠屏景
意兩俱適煙蘿暮靄蒼崖嶂劃蒼壁雲霞油然生杉檜森以立鳴禽

通清響飛泉散珠玑我疑有幽人巖居喜深密朝餐紫霞英暮唱香
松簪時代任推移寒暑遷易駕言往從之柰此塵纓桎何當振衣
袂凌空生羽翼與君共生涯虛名定何益

七言律

送楊耀卿使雲南

李材

飄飄使節出金閨郭隗臺前暫解攜天入五溪無鴈到地經三峽有
猿啼子雲舊里風煙在太尉家聲日月齊後夜客棹何處望秋河迢
迢碧雲低

出使雲南留別

龍雙闕驚名堯曾侍鵷鸞趨早朝往事已隨塵衣袞虛名贏得
蕭蕭長林豐草空相憶瘴雨蠻煙苦見招借問都門門外柳為誰留
着最長條

過牂柯江

李景山

歸歎何日是真歸慙愧山林與願違垂老八千餘里謫回頭四十九
年非窮邊野水黃雲渡夢裏田家白板扉珍重沙禽頻見下也應知
我久忘機

滇池九日

今日真成我重九誰言風俗愴吾真可無白酒招佳客尚賴黃花似

故人終老樂，聊自使三年。瘴海未全貧，不須更上高城望。野樹寒鴉恨更新。

越雋元日

雞人唱罷曉沉沉，仙仗遙分翠殿深。三島樓臺龍虎氣，五雲絲竹鳳鸞音。普天率土皆臣妾，航海梯山總照臨。今日南荒瞻北闕，不勝惆悵淚霑襟。

過七星關

七星關上一回頭，遙望鄉關路阻脩。欲倚雲山攀北斗，不辭鞍馬過南州。兩崖斬壁連天起，一水漂花出洞流。聞道清時無瘴癘，行人經

此不須愁

贈劉宗道使安南

李源道

一介強於十萬兵，秋風持節使清泠。
可容替晉窺唐壤，要遣蒞車拜漢庭。
層巖煙驪洞暗，鯨掀巨浪海雲腥。
元戎已雖安邊策，萬古千秋汗簡青。

題鄧竹寺鐸

郭松年

南來作使駐征鞍，風景還驚入畫看。
梵宇雲埋鄧竹老，滇池霜浸碧雞寒。
兵威此日雖同軌，文德他年見舞干。
北望烏臺猶萬里，幾回搔淚惜凋殘。

九日登大理玉局山

李伯強 雲南省都事

海風吹曉上層臺
玉局仙人安在哉
一帶河山無限好
百年懷抱此時開
菊從雨後都開遍
鴈到秋深不肯來
一曲浩歌歸去晚
夕陽人影共徘徊

登樓有感

戍鼓啼鴉起暮愁
感時懷別意悠悠
蒼生未得從鄉夢
海水猶含去國羞
老樹殘陽冢苑夕
遠煙衰草段陵秋
壯懷未定凭闌久
思在蠻天欲盡頭

遊再光寺

蒼翠玲瓏草樹陰
豈知城市有山林
中原遊子情懷俗
方丈高人語意深
風引泉聲來屋角
雲和山影落池心
閒意坐久爐煙滅
禽鳥催詩亦好音

大理觀易有感

杜德常

往年曾作百夷行
統率三軍夾不平
野變路盤元有限
山嵐煙瘴苦無情
鵠中爭射弓
羞較復裏談經天
怕明邊閫近來少
人事幾經忙殺老書生

火節

文璋甫 雲南省都中

雲披紅日恰街山
列炬參差競往還
萬朵蓮花開海市
一天星斗下

人間只疑燈火燒元夜誰料鄉鄰到百歲此日吾皇調玉燭更於何處覓神靈

題大理

高昌雅字大中

水繞青山山繞雲由來人傑地應靈水光萬頃開天鏡山色四時環翠屏世祖龍飛曾駐蹕邦臣席伏悉來庭一宵詩價高如許眼底蒼山百倍青

春日白崖道中

段福段氏後封武成

煙雨濛濛野外昏蒼茫四合動陰雲青歸岸柳添春色碧入山荒煙燒痕百里人煙滅杳杳十年戎馬尚紛紛詩成更怕東風起添得

曹老一分

元世祖陟翫春山紀興

時膺韶景陟蘭峯不憚躋攀謁粹容花色映霞祥彩混爐煙拂霧瑞
光重雨露瓊幹巖邊竹風襲琴聲嶺際松淨利玉毫瞻禮罷迴程仙
駕馭蒼龍

陟靈峯紀興

驃信蒙氏

遙望靈峯壯大邦攀遊陟嶺過清江日輝花影霞舒院風襲爐煙霧
透窓谷口嬌鶯吟對對欄間粉蝶舞雙雙追尋不但憐芳興將峻基
圖建法幢

咂酒

王庭

元梁王長史

封拆黃泥四月遙遠瓶沽火謾園燒枯筒未試香先透熟水頻添味
轉饒冷暖既隨人異態縮盈還與海同潮其中春色知多少便是淵
明也折腰

五言排律

送述律元帥開閭分題得越舊

班惟志

字彥功集賢待制

郡初名越舊漢昔撫酋豪宿溜巖為室炎蒸地不毛射生食血肉
祀灑腥醪奮臂搥銅鼓吹唇舞洞刀溪山防虺蜥藤樹嘯猿猱異狀
纏蠻角朝謳變楚騷自憐無統御推長治通逃驟起鄰讎殺詞連牧

過驤弘恩惟在格薄夜忍言慶公極堪登選門兼閱閣高連使嫌詭
道投簣塞深壕陣密嚴三令機微備六韜蜂蟻土壘妖宿隕天牢
雲慘回盤鵲潭移失斷鰲降情迎露布奏凱卷歸旄壯節雖能効清
朝亦幸遭宣麻重鎮邊開閭賞勲勞符煥文犀帶香熏錦數袍我慚
沾益友祖送盡時髦岸暖泥抽草冰消水沒篙旗亭折楊柳篋瑱
蒲萄糾糾平城帝制馴守圉葵先聲馳部曲遺惠拊童曹耀武時長
獵巡邊可遠遶沙乾其驥足劍瑩鸛鵲膏落雉穿金鏃飛鷹擊
宴閒陪士樂罰信絕群歡吹月橫柯竹簪花列倩桃服威全學亮好
詠喜賡陶親上平夷頌曾髡草檄毫懷柔安鞠育寒飈免啼號職貢

塞方物江郵就戰艘策良無要撓戈艦肯輕操鳴鶴林思楚聞天等
在臯侍書良將傳未盡片言褒

瀘水

成遵

字顯祚太常禮儀院博士

武侯南渡後百世藹清芬急浪銷瓊瑤回波起縠紋野空天接水瘴
重霧如雲故館蒿萊地荒城狐兔群蒼烟居鴈客白骨戍邊軍奇疇
發哀猿晝夜聞七擒懷信義三顧報忠勤陵谷尋陳迹悲歌弔
少照清朝新德化渠帥舊元勲麾蓋遙臨廈壺衆競獻芹

雲南圖經書卷之七

南圖經志書卷之八

唐文

奏疏

秦省罷姚州

張柬之蜀州刺史

姚州古哀牢之舊國本不與中國通前漢唐蒙開夜郎滇笮而哀牢不附至光武季年始請內屬漢置永昌郡以統理之稅其鹽布種蜀以利中土其國西通大秦南通交趾奇珍進貢歲時不缺及諸葛亮五月渡瀘收其金銀鹽布以益軍儲使張伯岐選其勁卒以增武備前代置郡其利頗深漢以得利既多故得南涉蘭滄水東臨博南哀

牢二縣蜀人愁怨行者作歌歌曰漢德廣開不賓度廣開不賓度廣開不賓度
蘭渚為他人漢得其利人且怨歌今於府置官既無安邊靜寇之心
又無諸葛且縱且擒之術恣情割剝積以為常扇動苗獠遂成甯聚
姚州本武陵主簿石子仁奏置後長吏李孝讓辛文協郎將劉惠
軍李稜並沒于蠻司馬成琛請於瀘南置鎮七所遣蜀兵防守自此
蜀中騷擾于今不息伏乞省罷姚州使隸為郡歲時朝覲同之蕃國
於瀘北置關非奉使入蕃皆不許交通

元文

序

雲南誌略序

唐伯生 撰

唐師西南行萬里為雲南之遠方廣萬里昔我世祖帥師伐而取之
守者弗能定既即位奠海內使省臣賽典赤往撫以威惠沿其俗而
道之善利鎮以親王貴人者四十年方是時治平日臻士大夫多材
能樂事朝廷不樂外官天子閔遠人失牧也常簡法增秩優以命吏
而為吏者多微韋器名無治術無惠安遐荒之心禽獸其人而漁食
之無以宣布德澤稱旨意甚者啓事造譽以毒害其人其人故暴悍
素不知教寃情竊發勢則使然不然惡生樂死夫豈其情也哉嗟乎
昔者簞食迎後之民日以老死且盡生者格於貪吏以自遠於恩化

其吏士之見知者無所建白而馭於中者又不識察其情狀 隅之
地常以為中國憂而論治者卒未究其故不亦悲夫河間李侯景山
由樞庭宣慰烏蠻烏蠻雲南一部也始下車未及有所施會群蠻不
靖按行調發餽給鎮撫周履雲南悉其見聞為誌略四卷因報政之
之余嘗按而讀之考其土產風氣服食之宜人物材力之智勇怯
山川形勢之阨塞要害而世祖皇帝之神威聖略略之未嘗不
俯仰而興歎也其誌曰張氏斬奸猾長吏九十餘云云二十六部盡
降諸葛孔明用其豪傑云云賦足以給軍國史云云解隨服隨叛
梁毘一金不取酋長云云古以重賦徭云云以淫虐致亂

此於事至較著明白者也其術不甚簡易乎有志之士尚有所覽觀焉至讀其紀行諸詩必有悲其立志者矣

雲南誌略序

元明善 翰林學士

昔在世祖以帝之貴介弟帥偏師入西南夷而伐取之既踐大位猶固樂其風土曩非厝數在躬當於彼請分器焉由是言之似亦善地及讀李君雲南誌略乃復如此雖然彼亦人爾其好安惡危趨利避害與常情同無庸徵於古遠我朝曾出平章政事賽典赤都護諸部今沒去三十餘年其人慕之如父母畏之如神明居嘗考其設施不過順其性俗利而道之底於安爾自時厥後盜兵者有之陸梁者

有之亦嘗考其致此之由蓋其人多獷悍不開禮教牧之以椎剝漁獵之人囂呼蟻聚激忿肆毒又何暇顧防範哉嗚呼斯民也吾聖祖汗馬之所臣斯土也吾聖祖神靈之所及執事者可不究其所以亂而拯之乎余讀李君之書深悲李君之志李君之志豈徒謂其并疆俗產而已李君名京字景山今為烏撒烏蒙道宣慰副使佩虎符兼管軍萬戶云

雲南誌略自序

李景山

蒙嘗覽樂史寰宇記樊絙雲南誌及郭松年南詔紀行竊疑其書之誕不經之說大德五年春奉命宣慰烏蠻比到任值緬事無成

省檄措辦軍儲事烏蠻六詔金齒百夷二年之內奔走
適於是山川地理土產風俗頗得其詳始悟前人記載之失蓋道聽
塗說非身所經歷也因以所見參考衆說編集雲南誌略四卷至若
世祖皇帝汗馬之勞大帥元良吉歹血戰之功平章賽典赤寬仁之
政與夫帥府行省之廢置沿革自有雲南事蹟總錄在茲不復云

記

建中慶路學講堂記

李源道

滇學舊矣講經有堂在大成殿之東偏歲久漫漶且規製偏僕雲南
廣司職在敦勗僉司楊侯柞刻畫專勤自董督以完舊益新為己任

鉅細靡不畢完知事王君景仁協謀贊相以訖于成初北隣隙地三十舉武南向為堂四達扁曰明善東西為齋六柱通扁曰進德脩德以模生徒使肄業其中置田以資餼廩雖饑饉人亦遣子入學諸生將百五十人期望率生徒講授聲鍾鼓以節登降屬二月丁亥肅賓寮釋菜於先聖先師冠服禮樂井井有章不意殊方見此繹典區區受命為藩風憲諸公懇請索文以申其義予以告滇之人也乃勉為之辭曰為學之道必由於講說而後明乎孔子以學之不講為憂孟子又曰博學而詳說之將以反說約也聖賢之意無他蓋使學者敦實融敷本抑末期進於道而已夫用力聖賢之書者膏口誦其辭

心推其義於其道則罕得而闡焉夫子剛定繫作之後三千之徒唯
顏曾悟其一貫四勿之旨皆由心得非以授也聖賢授受得之於心
是得之於天也中人以下非講說莫能取焉秦灰熄而訓詁興漢儒
出而傳註作伏生之書以口傳矣毛公之詩多臆說矣豈知傳註非
六經之蘊訓詁非六經之贅乎聖遠言湮說家蠱出非遷就之辭則
傳會之語也發明非不多而抵牾亦不少也訓釋益繁而旨益遠也
論說愈明而道愈晦也承訛龍謬寥寥千五百年以迄于近世濫溪
大儒出而正之洞視萬古斥去凡近發其微顯其蘊而聖賢之旨復
煥然于世士生斯世克守成說以求聖賢之心何其幸歟而比年以

來乃有掠先儒之美以為己出捃拾緒言以著述自名以辭章為工
為獵取聲利者嗚呼六經在世如日月之在天河海之在地小夫賤
婦皆知其大且明也尚得以管窺而蠡測之哉學者之登堂也當知
講說之要不徒於得其辭而通其義在乎疏視淪聽敦本抑末以求
聞道之歸庶幾乎聖賢之心可日月而冀也風憲諸公所以敦勸作
新之意安知其不在于茲乎

中慶路經置學由記

支渭興

皇元肇造區夏武功方即文教並修世祖皇帝既寔雲南入繼大統
命信臣賽典赤公平章行中書省事首建孔子廟于中慶城之北又

於軍渡買田八雙以贍學方言雙者肆畝也厥後朝廷名臣出為將
憲知重道崇儒者增置水陸田至五百九十二雙有奇且以廢城官
租隸焉俾充春秋朔望祭享及修學養士費更數十年固有虧失近
歲官于學者代易靡常賢否相半留意出納者鮮致多負租亦有為
異端豪民所侵據而莫之理者以故師生廩餼不足春秋俎豆之薦
亦或缺焉至正十六年秋七月詔以正議大夫西蜀四川道肅政廉
訪副使漢中蒲機為雲南諸路肅政廉訪使下車懲憲綱除民瘼官
吏震恐奉職還境以寧公謂學校風化之原人材日出憲政所當先
也於其勸誘之方經理之道尤盡心焉廼與副使禿魯會事阿魯溫

察王欽幕賓經歷張懷義知事崔有恒照磨幹赤共議差官徧詣州縣考正闕其地凡歸侵疆以雙計者若干得逋租以石計者若干備書田之所在畧之所至與其雙數于籍有司學官憲府各藏其一且識乎碑陰以備他日取證又總新故租度歲用外糶其餘以濟貧民得中統寶鈔五百八十餘錠移文中慶總府轉達行省請于梁王以市大理路趙州沒官田二百一十九雙三角王曰善事也樂允所請行省諸公亦贊成之歲增租一百三十八石六斗餘是倉廩充財用足師勤士勵教化大行今年秋涓興系校藝雲南事既祇謁學官提舉變理翰教授尹具瞻暨諸儒合辭請記其事于石竊惟三代學官

之制無可考列國時齊宣王欲松孟子室養弟子以萬鍾即是而
則古人養士于學必有成法矣國朝踵前代之制天下郡縣皆建學
學必有由蓋亦富而後教之意中慶在雲南為要路省憲統臨于上
州縣遠夷視效于外風化之行人材之就莫先於此學田之入其可
一日缺哉今廉使蒲公暨同列能體聖朝建學之盛心不以四方有
警急武功而緩文治復橫侵於可見責父負以必償奸猾服義而樂
輸豪強拱手而聽命又能以日用餘資合謀省府稟命親王買田以
附益之為永久計可謂有功於茲學有裨於聖化不負所託者矣彼
有視儒効為閑䟽語及學校曰此非急務惟以簿書刑獄為先者豈

為能備舉其職乎誠宜記以示後繼自今遊于學者飽食而安居當
朝斯夕斯講明經訓求古聖賢所以為學之道而力行之孝于家忠
于國使時流俗輩咸知儒教之有益於人若此庶不負買田興學之
意若徒從事於文辭之末以決科干祿為計則觀斯記也獨不大愧
于心乎尚相與勉之

中慶路重修泮宮記

王彥

雲南廉訪使

聖人出而萬國寧綱常理而民極立天人之應氣數之會非偶然也
學莫盛於三代而極備於成周三代而下漢唐庶幾焉劉李之政教
雖不足以紹述文武周公之緒然其聲名文物施設氣象猶足以治

既選而立一王之法故箕子東而三韓化秦伯吳而南風更其俗
勸而蜀士茂常袞出而閩俗易維時雲南號為絕域其初附也重譯
不通嗜欲不同未嘗以周孔之道化也否極而泰光霽之氣離而復
合自我大元奄有天下世祖皇帝削平四海先抵南詔鴻荒之地天
威所臨不日而革仍命雍國公寶典亦總攬庶務分省此方公化民
以德滌去殘暴創學宮舉師儒開誠布公敦勸誘掖北人鱗集爨焚
循理漸有承平之風是以達官君子紹述成軌乘駟內地請給經籍
雖窮邊蠻獠之鄉咸建庠序矣恭惟皇上踐祚之初所在郡庠特降
璽書略曰孔子之道垂憲萬世有國家者所當崇奉猗歟盛哉暨念

遐荒生靈之故命梁王遠臨鎮邊撫御既久政通人和大德元年行
中書省行御史臺共議興建御書閣委都事韓永昌董其事儀制羣
翼為一郡之冠是時俯臨舊殿散材卑陋歲久頽腐神居不寧暇日
行省左丞汪惟勤謁奠顧瞻容宇誠意發輝務在更理已而憲府并
合屬郡寮詢謀僉同乃資材於舊藏而新之既成柱棟枅拱峻
偉雄麗遠逾舊制視其規模中於諸郡矣厥初文章制度未及此方
先聖儀像冠冕裳服弗循古式至若諸關里肖像命工塑繪文彩燦
然一新然後美俗柔遠之道庶幾備矣惟昔思之所足以開示宏規垂
詔將來仁人之利豈不溥哉

縣志者雖多而所以闡關於

教者必待夫明良胥會以乘千載之運而後可何者夷俗愚悍好
化行非若齊魯之變而至於道之易也然則國家之有大造於茲土
以開群蒙之天者亘昔鮮聞自癸丑底平以來五十餘載與內郡同
體而兵革之患息賦役有法而民力甦當時大臣能體承上意如農
畝水利商賈通變凡所以養民者具有條章復立學校以弘既富而
教之義如緬蠻之類疑然有知經者矣廟故有記而未悉新宮落
成諸生咸請誌諸石以垂不朽者曰事故有度越漢唐接軫三代者
方今中國濟濟多士賢才輩出典章文物大備聲教溢乎四海誠可

比隆往古垂法後世非以筆舌誇大也九州之外不能濟衆堯舜病茲學之興於徼外荒服之人樂從用夏變夷之道而知禮義者豈非為生民立命為萬世開太平者耶於是叙其始末以允衆志俾後之蒞斯郡者不鄙陋其民風而汲聖化沐皇風者亦知所本顧不偉歟

中慶路學禮樂記

何弘佐

滇為西南重鎮控弦萬里方區宇未合我世皇駕六飛使天戈由吐蕃麗江入其境雲南三十七部及金齒交趾舉皆內屬至元甲戌命平章政事賽典赤建行省事於滇城以彈壓諸夷凡六詔之地盡為

嗚呼盛哉天曆初鎮兵燹諸蠻作亂典章文物掃蕩無遺學校禮樂其所存者幾希矣至元戊寅著作郎杜敏以亞中大夫來僉南憲事深懼學校廢弛禮樂不備慢神棄民不可以祭方與諸公求所以妥神綏民之道曰禮非玉帛俎豆也然舍玉帛俎豆無以觀禮樂非鐘鼓笙鏞也然舍鐘鼓笙鏞無以觀樂焉其備諸事未且以邊度

弗靖議逆寢庚辰秋加通議大夫左右司郎中廵刻意督畫謀于平
章勝家奴密政沙的俾曲靖路教授劉黼昆明縣教諭王景賢乘驛
持鎗五千緡市禮樂器於江之南憲府又以衣服不備委中慶路學
錄潘允文亦持千緡計置於成都辛巳春憲副常泰始來治學與經
歷月倫亦不花知事董淵照磨李友諒同寅協恭氣類相合皆以勉
勵作養為先務其斯文復興之一大機括歟弘佐適以提舉學校之
命至學正朱銓暨諸生請紀成事固辭不獲作而曰人心不同如其
面然禮樂刑政所以同民心而出治道是以古之聖人於讞制禮於
豫作樂於賁以明政於豐制刑則禮樂者政刑之本政刑者禮樂

之輔故禮自外作而道充於內樂由中出而聲和於外政所以一不
齊之行刑所以防不軌之姦民心同而治道一俾悖逆詐偽之心不
萌淫慝乖亂之事不作則玉帛俎豆鐘鼓笙鏞於世未必無補也子
貢曰見其禮而知其政聞其樂而知其德省憲諸公之德政可知矣
既以後諸生因書之俾鐫于石以為獎勵

大理行記

郭松年

中慶距大理城西顧里有千歷府治一曰威楚州四曰安寧鎮南雲
南趙州縣三曰祿品安邊白帛皆三府支屬鎮南而西有雌嶺即大
理之境出行七十里有甸焉川原坦夷山勢回合周二百餘里乃雲

南州也州西北十餘里山麓間有石如鏡光可鑒面故舊名鏡州張氏進求時州北龍興和山忽五色雲起蕭索輪囷終日不散人以為祥州居雲芝南因改今名又西行三十餘里至品甸按唐史嘗置坡州亦名清子川其川深五丈不減雲南而民種時為不及爾甸中有池名曰青湖灌溉之利達於雲南之墊湖而官道中有石馬紋如古篆號曰地符行人謹避莫敢踐之又山行三十里至白品甸其地形南北袤大小略與雲南品甸相埒居民湊集禾麻蔽野縣西石崖新絕其色如雪故曰白品亦永江回環曲折經於其中甸西南有古廟中有鐵柱高七尺五寸徑八寸乃昔時蒙氏第十一主景莊王

所造題曰建極十三年壬辰四月庚午朔十有四日癸丑鑄土人歲
歲貼金其上號天尊柱四時享祀有禱必應或以為武侯所立非也
又山行四十里至趙州甸即趙瞻也山形四周回抱有藏風蔽氣之
勢川澤平曠故家喬木猶有存者神莊江貫於其中溉田千頃以故
百姓富庶少旱虐之災出州治十五里路轉峯回茂林脩竹蔚然深
秀中而建峰神廟在焉凡水旱疾疫祈請有徵州人賴之州之北行
約數百步地極明秀象昭成王保和九年有高將軍者即此地建通
知寺其殿像壁繪於今罕見意非漢匠名筆不能造也出寺門東北
行一里餘有高原號城澄其地空而不畊乃世祖駐蹕之所也近歲

州窠建一佛宇過旦望焚香祝壽蓋以報聖恩之萬一馬川行三十里至河尾関即洱水之下流也架木為梁長十五丈餘穹形飲水睨而視之如虹蜺然順流而下約一里許有石門巨石橫楣號石馬橋為群波爭道之地懸流奔注雲濤雪浪聲聞數里河尾橋之西有関焉北入大理名龍尾関即蒙氏之所築也西距蒼山東屬洱水其高壁危構巋然猶存入関十五里山壑濃秀望之蔚然前陳者乃點蒼之奔衝也諸峯羅列前後叅從有城在其下是曰太和周十有餘里夷語以坡陀為和在城中故謂之太和昔蒙歸義王皮羅間自蒙社徙河西乃築此城後閣羅鳳以張虔陀詭構乃釁之陷唐鮮于仲

通兵因自結之吐蕃受鍾王刻石記功明不得已而改號蒙國大
立德化碑使蜀人鄭回製文其碑今在即唐代宗大曆元年也又北
行十五里至大理名陽苴咩城亦名紫城方圍四五里即蒙氏第五
主神武王閣羅鳳贊普鍾十三年甲辰歲所築時唐代宗廣德二年
也自後鄭趙楊段四氏皆都其中是城也西倚蒼山之險東挾洱水
之圯龍首龍首山鄧川之南龍尾關於趙賧之北昔人用心自以為金
城湯池可以傳之萬世及天兵北來一鼓而下豈可數哉此非在德
不在險之明效大驗歟故大理之民數百年之間五姓守固值唐末
五季衰亂之世嘗與中國抗衡宋興北有大敵不暇遠略相與使傳

往來通於中國故其宮室樓觀言語書數以至冠婚喪祭之禮干戈
戰陳之法雖不能盡善盡美其規模形色動作云為略本於漢自今
觀之猶有故國之遺風焉若夫點蒼之山條岡南北百有餘里峯峦
岩岫縈雲戴雪四時不消上則高河實海水源噴湧水鏡澄徹纖芥
不容佳木奇卉盡光倒景吹風灑雲神龍所宅歲旱祈禱靈貺昭著
派為一十八溪懸流飛瀑瀉於群峯之間雷霆辟韓烟霞瑤竊功利
布散皆可灌溉洱水則源於浪穹涉歷三部淳瀟熱城之東北自河
首南盡河尾波濤二關之間周圍百有餘里內則四洲三島九阜之
奇浩蕩汪洋煙波無際於以見江山之美有足稱者此邦之人

西去天竺為近其俗多尚浮屠法家無貨富皆有佛堂人不以夫妻
手不釋數珠一歲之間齋戒幾半絕不如葷飲酒至齋畢乃已沿山
寺宇極多不可殫紀中峰之下有廟焉是為點蒼山神亦號中嶽中
峰之北有崇聖寺中有三塔一大二小大者高二百餘尺凡一十六
級樣製精巧即唐遺大匠恭簡微義所造塔成韜義乃歸中峰之南
有玉局寺又西南有上山寺凡諸寺宇皆有得道居之得道者非師
僧之比也師僧有妻子然往往讀儒書段氏而上有國家者設科選
士皆出此輩今則不爾其得道者戒行精嚴日中一食所誦經律一
如中國所居洒掃清潔雲烟靜境花木棹房水瀟瀟循堂厨至其處

者使人名利之心俱盡此大理之大觀南游則永昌騰衝北走則鶴慶麗江周行數千里皆莫若此也

妙光寺記

歐陽玄

至順二年辛未姚安路總管高侯歸自京師既奉命陞州為路宣慰明珠帝符退自感激荷國厚恩茂以報稱乃捐已貲即弘治里修妙光報恩禪寺而勢岡陵占勝林石中建寶殿像釋迦文佛傍修兩廡外施三門以及丈室禪房具以法式又割上腴若干以餉四之僧命之朝夕梵唄祝釐皇家月吉望日無不齋至寺領事之衆繞慶讚作禮白佛斷皇帝壽永錫民福此寺之所由作也

泉飲得慶禪師住山以錫杖卓於巖谷之陰而泉涌焉故來請記昔
者先王之制於五方之民脩其教不易其俗齊其政不易其宜是故
列國之風幽之農桑秦之車馬陳之巫覡歌舞采詩之官歸獻于王
詔于大師列于樂官王時巡則陳而觀之豈必皆有所箴刺哉今夫
雲南之事佛俗有所從受也然而佛之於雲南有足以助時君之化
者其來亦非一日矣彼其沉毅悍摯之性一旦歸於清淨慈儉之宗
此蓋威武之所不能屈教化之所未易漸而淨名之徒深居冥言木
壞食淡合掌趺坐伏而擾之若不勞餘力焉亦豈小補之哉世祖皇
帝自征氏羌歸乃表異釋氏隆其師資至於官室服御副於樂興蓋

有以察其風俗之宜因以為制遠之術焉顧世之人不以此喻此也然則茲寺之建不獨專事於祝釐可以為報恩也侯名明勝國高昇泰九世孫有惠愛於姚安其之德之云

憫忠寺記

支渭興

夫佛法以慈悲為教而冥昧含弘若言其有而相不可尋若言其無而化之者衆能仁降跡西天教法入於東土自漢之唐之宋暨我朝隆盛崇重天下響應雲南去京里以萬數而自其佛印與儒典並興上自豪貴下及賤隸莫不頂戴欽奉至其忽哥赤雲南之章賽典赤公及郁凹麻師謀為保國之於中慶城北隅焉

之上創建五華大殿扁曰憫忘寺其地左蟠龍右玉案滇池朝于前
商山聳于後像設五如來于其中周簷四壁繪畫諸佛菩薩神龍之
儀形範金填彩絢爛人目其殿制高奧宏麗重簷疊拱奇巧異乎他
構真一方蘭若之甲者也又置田庄以給苾芻之饘粥備人戶以隸
院宇之使令旦望禪誦祝皇帝萬萬歲以無疆至正癸卯春三月紅
巾賊兵乘虛入寇陷中慶城毀民廬以為寨柵梵宇神祠亦不免焉
於是寺之門廡僧房掃地而盡惟大殿儼然獨存官軍克復之後住
持僧慶堂罄其衣鉢脩葺之未底完美今行省平章政事脫歡普花
榮祿公嘉其志啓奉梁王令旨捐俸庫增置寢殿備金碧丹漆之飾

煥然一新前之廢者咸復其初而慶堂未記於子竊惟天下之物成
毀有數廢興有時而皆不離乎人茲寺昔創於王公貴人中更寇變
踰蹂圯壞今值榮楨公與慶堂同心協力復葺完之豈非人數相參
而致然歟榮楨公由本省郎中歷陞首相既用兵以靜邊境之難輕
徭薄賦寬裕民力公私有餘更新佛宇深得昔賢先致力於民而後
致力於神之意慶堂諱善喜乃官渡萬夫長趙天祥之伯仲昆弟年
弱冠難漆於本空和尚後遊江浙歷受明師之傳以得其教旨而歸
至正壬寅會茲寺久乏住持僉議啓于梁王固請主之視今僅閱七
年說法度人數百餘會受其戒牒五千餘人噫若慶堂者亦可謂難

遇者矣故不辭而為之書

至正橋記

鄧麟

雲南省管內

至正橋者雲南省治東新橋而蟠龍江所經也至正者何紀年號也以年號名橋者何示創始也示創始必以年號者一以記創始年歲於不忘一以兆橋之端直於永久且俾由斯者知王道平平而皆無黨偏也上即位之十有八年惟雲南居荒服外極邊中國去天里以萬數仁被道洽嘗後他省宜得重靜老成而文武忠孝者往保釐之以故今右平章政事岳柱伯高公由河南省右丞實授特命來鎮茲土比至左丞不老赤君章叅知政事幹鑒景仁二公蒞政適逾年矣

三公協心廢舉弊除越明年政通人和乃亦有秋冬十月因經橋所見橫波植柱棧木布土往來者動搖驚懼如臨履淵冰然先是霖潦時漲順流一空且脩且壞歲以為常岳公曰古人云橋梁不脩刺史過也矧茲橋西抵通衢東捷驛路而控制方面雄偉尤稱苟改作徒勞民力事有似緩而實急者正謂此歟二公及僚屬等聞而是之謀不再集各割俸金以歲厥事雲南王李羅暨本道憲副也先明德等嘉是役便也競以資俸見畀其隸省長百千萬夫與遠近職民者莫不奔走相率亦惟俸是助乃卜日差時庀匠鳩徒泝石於海沿木於山命宣使趙哈實普化董之於是形石魚二醜水道三石魚并岸址

先入地可上平堅木酒灰以錮石鐵定以連縫其長尺一百三十
有五廣五分長之一而去二為屋十有四楹高與廣等五分損一而
下不與翼以密欄如長之數而左右之用工粮悉皆僦糴公退之餘
時一往犒暨糜金錢為緡七萬五千有奇岳公手扁至正四大字顏
其兩楹焉始事於是月之乙未訖功於今年春後三月之甲午是日
三公同幕僚等設燕落成王越憲司官若吏等咸會司屬長幼醵老
童孺隘巷沸郭鼓舞驩忻胥來觀觀橋東普安堂主廬陵僧劉覺正
願輸止善坊店房為間二十有八西鄉浦并北莊村水陸田為雙三
十請具案在官籍其入以充葺橋費觴半耆老李賢等進曰愚等生

長遐陬久沐聖化凡官省所者所閱多矣自相君來臨宣布德澤輯
寧我邊陲勞徠我民庶雨暘時若災沴不興而是橋脩起意者真有
待邪當經營時民安於家農安於隴訟百工技藝安於業安屯戍行
伍者軍卒安居途者商賈無一毫相及且拱手視成寔能為者厥謀
厥功其可泯乎顧莫圖報請勅諸貞珉以壽不朽岳公固不許愈請
愈力謹徵記於余麟目熟始末不勝感荷當考夫造舟為梁著手詩
載親迎也而制非經久初作河橋見于史書首事也而本非為民是
後也層繖石梁鉅木于以見永逸之謀焉而有避日有侏于以見利
民之功焉攻于冬春不奪農時也貿遷有無市獲定所也宵則門之

開寇偷也一舉數得其是役乎昔子產濟潁潁未免有不知為政之
譏杜預橋孟津來衆以為不可之論尚觀此舉謀決而浮議莫搖功
成而聲不動傑構與若大壯西南望者增駭過者就安方之昔人斯
為盛矣或曰凡能創者未必能名能名者未必能書岳公始而創創
而名名而書是實難者麟曰奚翅此他如亭止戈存儆戒之意甃石
路通使客之行巡防理而邊境無虞海口疏而水利均足迎送有所
又所以尊王命而篤往來之禮焉是皆岳公能事二公同協所致也
其餘德政弗克羅縷指日柱石天朝舟楫巨川其豐功懿德自有良
直筆大書特書不一書敢以是而就正

碑

平雲南碑

程文海翰林學士

國家繼天立極日月所照固有內外雲南秦漢郡縣也負險弗庭乃
憲廟踐祚之二年壬子我世祖聖德神功文武皇帝以介弟親王之
重授鉞專征秋九月出師冬十二月濟河明年春歷塩夏夏四月出
蕭關駐六盤八月絕洮踰吐蕃分軍為三道禁殺掠焚廬舍先遣使
大理招之道阻而還十月過大渡河上率勁騎由中道先進十一月
渡瀘所過望風款附再使招之至其國遇害十二月傳其都城倚點
蒼山西洱河為固國主段興智及其柄臣高泰祥背城出戰大敗又

使招之三迤弗聽下令攻之東亞道兵亦至乃登點蒼臨視城中宵
潰興智奔鄯闡追及泰祥於姚州俘斬以徇兵略地所向皆下惟鄯
闡未附明年春留大將兀良吉解經略之上振旅而還未幾拔鄯闡
得興智以獻釋不殺進軍平烏蠻部落三十七攻交趾破其都牧特
磨溪洞三十六金齒百夷緬中諸國皆相繼納款雲南平列為郡縣
凡總府三十七散府八州六十縣五十甸部寨六十一見戶百二十
八萬七千七百三十分隸諸道立行中書省於中慶以統之大德
八年平章政事也速答兒建言所領雲南地居徼外歷世所不能臣
先皇帝天戈一麾無思不服今其民衣被聖明同于方夏幼長少老

怡怡熙熙皆自忘其往陋非神武不殺之恩不及此惟黜蒼之山嘗
駐蹕焉若紀聖功刻石其上使臣民永永瞻仰於事為宜中書以聞
制曰可以命詞臣臣文海再拜稽首而言曰世祖皇帝之德大矣譬
如天地之無不持載無不覆燾而生生之意恒寓于雪霜寒暑變化
之中物之蒙之者薰然而溫灑然而濯翕然而同靡然而順有不自
知其然而然者故其功烈之崇基業之廣貫三靈而軼千古夫以大
理之昏迷旅拒虐我使人若奮其武怒俾無遺育可也而招徠綏輯
終釋其生弗誅焉虐天地之德孰能與於斯乎今陛下建中和之政
凡以繩祖武厚生民無所不用其極中外欽承無遠弗届是以藩方

大臣於錢穀甲兵之外慘淥以光昭令德爲請其知爲政之本也余
也錫未始磨之崖紀無能名之績桓桓燁燁與世無極惟是以震百
夷崇千古其餘光所被山川鬼神與嘉賴之嗚呼盛矣哉臣事先帝
蚤受眷知今復待罪禁林發揚蹈厲職也不敢以荒落辭謹再拜稽
首而系詩曰

於惟皇元載地統天大噫小虛曰寒以暄粵西南陬水駛山嶺風霍
流形氣交神州跂息蠕蠕勾萌鮮鮮各飲巢居燕及跼爲繫誰之思
聖祖神孫武烈文謨前後生存既有典常被之服章我更我民我工
我商萬國一家孰爲要荒點蒼蒼蒼禹跡堯將并鉞參旗終夜有光

威不違顏作善降祥嗟尔耄倪視此勿忘

銘

元宣慰副使止庵王公墓誌銘

鄧麟

先生諱昇字彦高先君今尹平日德政源道李學士撰其碣銘集賢
大學士祭祿大夫郭貫篆額而封于墓道積有年矣先生資稟溫純
聰明寡言慎行思如湧泉初學於楊廣先生受經於張子元大尹學
詩於仲禮憲副學文於李源道學士如繇大理中慶學正遇源道庶
訪來南滇舉調時選官翰林脩撰文子方一見器之遂銓仁聽府儒
學教授既上新廟學記文立石至於宅父憂一則古之喪禮南人化

田生徒百數人成才者夥秩滿調知臨安路事未幾陞威楚路軍民
總管府經歷擢臨安宣慰司都事授承事郎會瀛山范公僉新南憲
調儒學提舉朝廷准授文林郎葺舊廟新廢學第見功效改大理宣
慰司經歷赴京奏邊畫上嘉之賞賚尤厚調曲靖宣慰司經歷散官
如故佐新庶務昔南征卑里西討亦邦而能善化各郡酋長備軍需
輸戰馬飛芻輓粟奉檄徵本道錢穀伴供蜀陝驍騎五萬糗糧二萬
八千石馬三千二百八十疋功寔居多上命中書遣內御史鄭憲夫
吏部員外郎曾希顏謫官雲南省憲衆謂提舉負闕乏人非老於文

學者不能當其任選充雲南諸路儒學提舉充秋闈彌封官署治大理永昌麗江鶴慶姚安威楚諸路學庠所至廟宇聖像一新復學田一千四百六十隻皆廢崖紀之調鎮南州知州在任立祀廟築廢堰得戶二百八十徵大理積年逋欠肥六十二萬糧一萬九千餘石麗江北勝邊酋免徵賂以沙金楮幣千緡却之俾准編戶賦金朝命贈其父中慶路總管府同知奉議大夫驍騎尉母張氏贈平晉縣君妻楊氏贈清源縣君董氏封清源縣君至正壬辰改陞曲靖宣慰使司宣慰副使朝列大夫德望尤盛教化愈新因疾越明年六月望日作詩別親友而終享年六十有九先生由文學陸慕賓於此地復以

連任本司前後屢經歲時至是如喪考妣哀以送之浮殯於觀音寺
測先生先娶清源縣君楊氏蚤世遺一子曰廕雲南行省寸白譯史
如長適憲司譯史江彥清次適滇省宣使楊松後娶清源縣君董氏
乃董壯愍長女識釋儒書婦儀母則閭里為法焉生四子曰廕曰庸
習舉業能紹父風曰庸曰廕尚幼至正十四年十月十五日清源縣
君董氏暨廕等遠奉先生之喪葬於滇城之北石巖山祠先塋墓工
斷玉具行狀求予銘以表其墓予忝友末義不容辭喟然嘆曰先生
以文章政事名於南詔進則以德潤民儒化未成我將振之葬倫敘
數我將叙之野有遺賢我將貢之方伯連帥我將慕之退則以道自

樂是以中州文章鉅公仕於滇之省憲者如伯高石渠
山憲副鶴野大參著庭愈憲秋江郎中燕不與之交游有文譽者于
用貽厥子孫錄行于世嗚呼窮髮之地首倡吾道似先生者不數人
天其或者將興斯文於絕域間生明哲有以啓迪後生歟抑金馬碧
雞鍊其清秀誕降英靈俾以儒化輔相太平之治歟不然何其拔萃
特立如此哉猶鳳麟之瑞盛世千百年間一見耳今雖沒使人景慕
想見其風采愈久而不能忘也是宜銘焉銘曰

粵自開闢天生烝民不有師表孰明彝倫矧惟六詔取處荒服今
王君累世對德挺秀止庵學孔希顏春陽秋井智水仁山文沿齊柳

詩追李杜丕變南風齊至於魯授職爲政克已慎法治教休明惠澤
浹洽官高祖彌褒封存亡光賁幽壤遺愛甘棠經書滿屋忠孝萃門
神之聽之福其子孫滇海浩瀚金碧巍巍先生之名萬古不磨

雲南圖經志書卷之八